

Disediakan untuk _____ Tarikh Cetakan: _____

LEMBARAN PENDEDAHAN PRODUK

(Baca Lembaran Pendedahan Produk ini sebelum anda membuat keputusan untuk membeli Polisi Insurans Kemalangan Diri. Pastikan juga anda telah membaca terma-terma dan syarat-syarat am.)

Penyedia Khidmat Kewangan : Allianz General Insurance Company (Malaysia) Berhad (“Allianz”/”Kami”)
Nama Produk : Kemalangan Diri

1. Apakah produk ini?

Polisi ini menyediakan pampasan sekiranya berlaku kecederaan, hilang upaya atau kematian yang disebabkan oleh keganasan, kemalangan, kesan luaran dan nyata.

2. Apakah perlindungan/faedah-faedah yang disediakan?

Polisi ini melindungi:

(a) Kematian akibat Kemalangan dan Hilang Upaya Kekal

Dengan tambahan premium, anda boleh mendapat perlindungan tambahan bagi faedah-faedah berikut:

(a) Hilang Upaya Menyeluruh Sementara dan Hilang Upaya Sebahagian Sementara

(b) Belanja Perubatan

Nota: Sila rujuk kepada ciri dan faedah penuh dan skala faedah-faedah di dalam kontrak polisi ini.

Tempoh perlindungan adalah satu (1) tahun. Anda perlu memperbaharui perlindungan insurans anda setiap tahun.

3. Berapakah premium yang saya perlu bayar ?

Jumlah premium yang anda perlu bayar adalah berbeza-beza bergantung kepada pilihan faedah, klasifikasi pekerjaan dan apa-apa keperluan pengunderitan.

4. Apakah yuran dan bayaran yang saya perlu bayar?

Jenis	Amaun
Komisen dibayar kepada pengantara insurans (jika ada)	25% daripada premium
Duti Setem	RM10
Cukai Perkhidmatan	6% daripada premium

5. Apakah terma dan syarat utama yang saya harus ketahui?

(a) Kepentingan pendedahan

• **Kontrak Insurans Pengguna**

Menurut Perenggan 5 Jadual 9 di bawah Akta Perkhidmatan Kewangan 2013, sekiranya anda memohon Insurans ini sepenuhnya bagi **tujuan yang tidak berkaitan dengan perdagangan, perniagaan atau profesion anda**, anda mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam Borang Cadangan dan/atau semua soalan-soalan yang dikehendaki oleh Allianz dengan penuh dan tepat dan mendedahkan apa-apa perkara lain yang anda ketahui berkaitan dengan keputusan kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

• **Kontrak Insurans Bukan Pengguna**

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya anda memohon Insurans bagi **tujuan berkaitan dengan perdagangan, perniagaan atau profesion anda**, anda mempunyai kewajipan untuk mendedahkan apa-apa perkara yang anda ketahui sebagai berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajipan memaklumkan kepada kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak kami, sebarang maklumat yang diberikan adalah tidak tepat atau telah berubah.

- (b) Pekerjaan – Terdapat pekerjaan-pekerjaan yang tidak dilindungi oleh polisi Kemalangan Diri ini. Sila rujuk senarai bagi pekerjaan-pekerjaan yang perlu dirujuk di dalam Borang Cadangan
- (c) Tunai Sebelum Perlindungan (hanya untuk Polisi Individu) – Premium yang kena bayar mestilah dibayar dan diterima oleh Allianz sebelum perlindungan bermula. Insurans ini secara automatik terbatal dan tidak sah jika syarat ini tidak dipatuhi
- (d) Warranti Premium (hanya untuk Polisi Kelompok) – Premium yang kena bayar mestilah dibayar kepada pihak kami atau ejen berdaftar kami dalam tempoh enam puluh (60) hari polisi berkuatkuasa
- (e) Kelayakan – Orang Yang Diinsuranskan berumur antara enam belas (16) tahun hingga enam puluh lima (65) tahun. Polisi boleh diperbaharui sehingga umur tujuh puluh (70) tahun

6. Apakah pengecualian utama di bawah polisi ini?

Polisi tidak melindungi kematian atau kecederaan disebabkan oleh kejadian-kejadian berikut:

- (a) Perang, keganasan, radiasi atau pencemaran radioaktif
- (b) Bunuh diri atau kecederaan yang disengajakan, kecacatan atau lemah fizikal sedia ada, AIDS, kehamilan
- (c) Sukan profesional atau merbahaya, aktiviti-aktiviti udara, aktiviti-aktiviti dalam air yang memerlukan bantuan alat pernafasan
- (d) Menunggang motorsikal, ahli pasukan bersenjata, pasukan penyelamat, angkatan polis, krew penerbangan

Nota:

Senarai ini bukan menyeluruh. Sila rujuk kepada polisi bagi senarai penuh pengecualian-pengecualian di dalam polisi ini.

7. Bolehkah saya batalkan polisi ini?

Anda boleh membatalkan polisi anda dengan memberikan notis bertulis kepada syarikat insurans. Pembatalan akan berkuatkuasa pada tarikh notis diterima atau pada tarikh yang dinyatakan di dalam notis tersebut, mana-mana terkemudian. Setelah pembatalan, sebarang pulangan bayaran premium adalah berdasarkan kepada syarat-syarat yang dinyatakan di dalam kontrak polisi.

8. Apakah yang harus saya lakukan jika terdapat perubahan dalam butiran peribadi saya?

Adalah penting untuk anda memaklumkan kepada pihak kami tentang sebarang perubahan dalam alamat dan butiran peribadi anda untuk memastikan bahawa semua surat-menyurat sampai kepada anda tepat pada masanya. Anda boleh memberitahu ejen berdaftar, cawangan atau khidmat pelanggan kami.

9. Di manakah saya boleh dapatkan maklumat dengan lebih terperinci?

Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau layari www.insuranceinfo.com.my.

Untuk sebarang pertanyaan, hubungi kami di:

Allianz Customer Service Center

Allianz Arena
Ground Floor, Block 2A, Plaza Sentral
Jalan Stesen Sentral 5, Kuala Lumpur Sentral
50470 Kuala Lumpur.
Allianz Contact Center: 1 300 22 5542
Email: customer.service@allianz.com.my
  AllianzMalaysia
 allianz.com.my

10. Lain-lain jenis perlindungan Kemalangan Diri yang boleh didapati:

- (a) Kemalangan Diri 'Special Occupation'
- (b) Kemalangan Diri Berkelompok 'Special Occupation'
- (c) Allianz Shield

NOTA PENTING:

ANDA DINASIHATKAN UNTUK MEMBERI PERHATIAN MENGENAI SKALA FAEDAH-FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.

Informasi yang disediakan dalam lembaran pendedahan ini adalah sah bermula 01/09/2018.